

mandato a Syo lo gripo de Dasfogia per intender quello siegue de l'armata, ditto Dasfogia è ritornato, perchè tutti dubitano di scriver per ogni bon rispetto. Niente di meno havemo, come a Syo erano gionte 10 galee et 9 fuste grosse, capitano in quelle Salamagni, qual altre volte fo in Soria con lo Soltan. Dicono che sono l'antiguarda de l'armata, e li exerciti dicono che con furia passano a la Natolia. De lo resto de l'armata, secondo scriveno da Syo, fino a di 10 dil presente sarà tutta fuora; che Dio la sconfondi! La divulgo la più parte per Rodi, *tamen* se ne trovano alcuni in opinion per Cypri: e questo è quanto havemo da novo. In questi zorni, havemo auto lettere da Rodi da lo reverendissimo monsignor Gran Maestro. Ne scrive, cussi al signor Duchà, come *etiam* a mi, che in quelli zorni sono stato in uno loco deputato al Fisco de li spioni di Rodi, che sempre che vegnavano de Turchia portava novità per Rodi, andavano in ditto loco deputato e fevano fuoco, et in quel instante la Religion mandavano uno bregantino e mandavano lo secretario di tal cosse, el turziman, ch'era uno Antonio Giaxi, homo suficiente, et parlava con ditti spioni, poi retornava a Rodi, et con questo modo sempre la Religion era avixata. Et ora, havendo fato lo fuoco in lo loco deputato, ditto Antonio dal reverendissimo monsignor Gran Maestro è stato mandato ditto secretario con una fusta, e zonto che fu in ditto loco, lo ditto Antonio vete li tre spioni, et con loro erano qualche sette che se avevano mostrato. Et subito li spioni disseno a Antonio che l'andasse in terra, e ditto Antonio, avendo visto altri in lor compagnia, dubitò di ussir fora, et li rispose che 'l non voleva disender in terra se prima loro non metevano uno de li principal turchi in fusta. E tanto fo lo contrasto, che insieme se contentono, et meseno uno de li primi a la fusta, a lo qual havevano dato ordine, che subito che insiva in terra Antonio, allora esso turcho se meta a fuzer de la fusta, over gitarse in aqua, e loro con li turchi lo haveriano defeso e tolto in terra. Et essendo lo turco a la fusta, Antonio se misse in terra, et subito il turcho si volse butar in mar e da la zurma non fo lassato, *imo* prexo, per tal modo che vedendo li turchi esser rimasto el turcho a la fusta, comenzono con li archi e piere trar dentro a la fusta e hanno morto qualche uno et ferido 6, e la fusta si elferò (?) per modo che scapolò, e andata a Rodi, et il patron Giaxi rimase in le man de turchi, e mai fu possibile poder far dir una minima parola de voluntà al turcho. Infine lo mandò al tormento, e volendolo ligar, el ditto confessò el

tutto: come sono stà discoperti li spioni, et che fo mandato a posta a far il segno, e cussi hanno ingannato li cristiani, e confessò come lo Signor turcho era fra pochi zorni per cavalehar e andar a Rhodi de certo, sichè lo Gran Maestro aspetta l'armada a Rodi senza altro. Et perchè de sopra fo desmentegato dechiarir a la magnificentia vostra quello hanno descoperto la zurma de la fusta a Fisco, dico ch'è stà descoperto turchi a cavallo più di 300 e a piedi assai, et lo turcho prexo ne la fusta ha ditto come, apresso al Fisco, in certi lochi deputati, se asunava a la zornata li exerciti. A Rodi hanno fato la mostra, et se trovano homeni da fati in tutto 14 milia, vi-tuaria assai, artellaria, et munizion assai, et tutti ben disposti con bon cuor l'aspetano. Idio habia e proverer el megio de li cristiani!

Copia di lettere dil Consolo nostro da Syo, date a di 3 Zugno 1522, drizate al rezimento di Candia.

El è partito de qui el Dalasmano con galie 3, fuste 2 et barze 3 per Alexandria, poi heri è zonto qui da Fogie Solman capitano di galie 7, fuste do. Disse aspetta al stplimento di 14 sono alle Smirne restate, nel qual loco de le Smirne . . . Loreo, Sourasari et queste marine circumstane se ha fato la crida, che tutti leventi che hanno fuste se metano in ordine de andar con l'armada grande, et che il mal haveano fatto li perdona a tutti. Questo Salman è 35 zorni parte da Constantinopoli, et l'ha armato qui in la Turchia. L'armata grande sarà più di vele 200, ancorchè molti dicono sarano 300 tra galeaze et galie. Si dice dovea insir fato la quinta decima de questa luna. La voce dil vulgo per tutta Turchia è per Rodi, et *tamen* questo Salman non lo dice. In l'armata sarà lo capitano de Galipoli, et più Mustaffà bassa.

A di 15. La matina vene in Colegio sier Zuan Vituri venuto capitano di Bergamo, rimasto Proveditor di l'armada, vestito damaschin cremexip, acompagnato da soi parenti, et referite justa il consueto. Fo laudato *de more* dal Principe, e dittoli si metti in ordine perchè volemo el vadi via. È da saper: sier Hironimo Barbarigo, va suo successor, è zà partito de qui per andar al suo rezimento preditto.

Dil provedador Griti, da Chiari, di 13. Di-

(1) La carta 231* è bianca.